

宋詩紀事補遺

宋詩紀事補遺卷之八十六

歸安陸心源伯剛父輯

程垣

字務實龍巖人

探蹟二首

一氣自盤礴萬物自儻忽盤礴運高厚儻忽祝生沒
高厚固冥冥生沒亦汨汨願言握金鏡以祐我之惑
莊周一妄誕邱明一浮夸兩都繡春英三京組朝霞
楚騷哀靈均鵬賦淒長沙律以素王經春蛙與寒鴉

夏日下聞溪渡

溪橋架木渡人行人影溪中步步生真水真山皆舊識時來時去幾關情魚驚鷗立無閒意鳥逐蟬飛有遁聲暫止筍輿生僕力可人時至午風清

江湖後集

程徹

字通甫號申齋休甯人洙之子仕爲國學諭

春信

蕭條冬事堂堂去拍塞韶光點點開明月清風遮不

斷暗香時入夢中來

新安文獻志

程安仁

同章少連遊西湖作浩歌行

湖滑枕帶三百寺二時鐘鼓驚魚龍祇應天下有此
景人間雖有難與同

西湖四景

陽春三月天氣新湖中麗人花照春滿船羅綺載花
酒燕歌趙舞留行雲五月湖中採蓮女笑隔荷花人
共語靚粧玉面映波光細袖輕裙受風舉芙蓉秋曉
傳清香西施初洗勻新粧中秋月魄兩相照玉壺皎
潔無纖芒嚴冬凜凜霜雪天銀山玉樹相鈎連薄雪
遠草相掩映似無似有虛無間百年人事有盡處四
時景物無窮年

輿地紀勝

程介

字盤隱婺源人詩文曰盤隱集

竹溪爲旌城汪伯濤賦

先生溪上種脩竹呼吸溪光餐竹綠自應不同此君
醫冰雪之胷元不俗我欲相從竹溪中已辨青蓑黃
箬篷卧聽蕭蕭搖清風一洗滿懷塵土空祗愁一夕
風雷起變化飛龍葛陂水凌雲去去固無心莫忘溪

頭舞烟雨

新安文獻志

姜大民

睦人有孝行方愚泉稱其耽情邱壑篤志古道

洪遂良自京師東歸贈以詩

故山西郭有園林之子東歸抱短琴衣錦未論當日
事首邱聊慰阿翁心春風桑梓歡娛極秋雨松楸感
慨深莫寫渭陽圖畫裏令人披閱重沾襟宋詩拾遺

章采

臨江人

秋日過清江傅聘君石溪隱居

有美人如玉招尋故意長山衣猶芟製野飯只菰梁
秋入遙空白霜飛一葉黃年年三徑裏來往有求羊

滕王閣

佩玉鳴鸞一笑空至今華觀疊青穹西山殘雨虹腰
自南浦驕陽雁背紅幾度登臨添感慨半生漂泊老
英雄檻前猶是唐年水曾見王郎泛短篷

別鄂倅趙有孚

芙蓉花下把離腸江漢秋深夕漲涼驪裏神駒行地
急迢遙仙鶴去天長蜀兵未解星辰赤淮哨將來日
月黃近世平戎無好手請陳上策獻君王

花樹

風吹花樹昨朝紅今日看花樹已空可惜天高花薄

命年年開落只由風

江湖後集

章粲

臨江人采之弟

題楊總卿鹿岡菴

客行鹿岡暮四顧秋滿目澗碧煙草滋林黃霜橘熟
歸鳥各東西啼蛩相斷續愁心浩難留故山正幽獨

秋日懷松溪趙宰經父

晴窓靜繙書凝塵掩行迹花影晝簾間苔痕秋徑寂
憑高括遠風緣流弄寒碧緘情寄天涯杳杳江闊隔

豫章宋都官聲父樓上

結架鬱岩巖登眺齊近遠江湖萬頃秋風煙四山晚

心賞地曾妍目行天不盡振衣聊消搖閒看雲舒卷

江湖
後集

章承道

承道武甯人

設醮洞霄因以古詩記其事

鶴鳴在野聲聞天靈壇夜醮朝羣仙羣仙乘風駕雲
輒一一來自虛皇前玉爐不散香凝煙火中金縷光
相連仙官謂我帝所憐百拜向帝臣有言願乞臣母

子斯年

江西
詩徵

張湛江

平陽人

客居嶺南

天風吹白波歸客欲如何炎國逢花早春船載雨過

畏蛇焚瘦木防蠱種衰荷洞口商人婦時時送夜歌

宋詩
拾遺

張庭薦

字月山官甯都尉

紀游

馬行諳舊路鷄唱認層巔洞口有桃處江村欲雪天
熏爐香琬刻洗杓汲靈泉我愛長留處山深日似年

宋詩
拾遺

王南美

字乙道新化人王溥之後隱居伊溪長于易學
遠近宗之著釣月臺耕雲堂集人稱梅山高士

釣月樓

居士作層樓不愛風花雪待得野雲收只釣溪邊月

沅湘耆
舊傳

張汝鎧

字渝仲天台人廣德尉

村寺壁間次前尉王文昌韻

世事反觀俱了了鵝鴨何大亦何小木人起舞中郎
拍問著木人應不曉

浩然齋雅談
宋詩拾遺

王壺

道州人

浯溪

口口口口口口口口淒涼八百秋入院伽藍先稽
首題詩神鬼暗添愁幾章鐫石珠璣燦一帶臨江泉
石幽讀罷中興碑去後山人便舉伴茶甌

沅湘耆舊傳

羅子衍

壽林仲喬尊人

過了元宵八日間
琴堂歌舞獻慈顏
七閩山水鬚眉秀
三楚雲煙杖屢閑
癡絕不妨公事了
歡濃莫於酒
杯慳明年今日迎
新霑錦軸榮封鬢未斑

載江網

何宗斗

字南一號小村古栝人

題釣臺

貧賦漁蓑却耐交
故人牽率政徒勞
十分拂袖歸來是
何似當時莫去高

詩苑
芳

高照

字雪崖○邵武人舉進士任虔州司理參軍

金精山

金精寂寂眞勝境
門鎖松杉風月冷
跨鶴仙姬去不來
白雲一片封丹井

宋詩拾遺

俞茂實

錦邑人

游大滌

未了煙霞痼來從大滌游一區藏世界九鎖閟林邱
寒翠霏霏起春波慢慢流人間空岱嶽海上謾瀛洲
隱迹悲猿鶴祥光射斗牛有人相領略何地不夷猶
好景行行得遺蹤細細搜山根雲欲滃石罅鳳仍留

琴瑟聽泉奏珠璣看瀑流山靈應有識鄙句合包羞

逸興那能已奇觀謾此酬會須尋石室相繼築菟裘

洞霄詩

集卷三

于定國

官縣丞

閱武喜晴和厲寺正韻

元戎笳鼓鬧新晴風柳絲絲万馬鳴尺籍伍符親點檢牙旗甲馬喜晶明橫池刀劍雖安帖紫塞煙塵欠掃清聞道玉皇新有詔禁中虛席待談兵

截江網

張敦

字伯玉臨潁人○又一人舉進士爲同州判官

官至河東南路轉運使

寄嘉興守令狐挺

羨君席上碧雲句吟盡江南烟雨村豈惜笙歌連夜醉
且看風物逐春新花開花落何時盡閒是閒非愁殺人何似陽臺雲畔曲細聲口拂下梁塵宋詩拾遺

吳申甫

武夷行壽詹主簿

武夷之山奇而青九曲之水秀且清山奇水秀佳氣萃孕毓多少名公卿世運推而五百歲岳瀆又應一

賢生相國蕭何儲大昴謫仙李白扶長庚拍塞家聲
今幾載雲來見此千人英年少萬卷付一讀胷中霜
氣秋空橫驛驅不作伏櫪態夢寐抵掌收功名屬時
綠林肆分擾鄰疆鼎沸無遑甯笑看吳鈞應嚼齒折
衝不辭鞍馬塵發輸紅腐活飢殍呻吟變作謳歌聲
勾稽詎足究施設直須舟楫濟通津幕府籌功居第
一聯翩奏劄飛天庭日邊消息清夜至芝泥炳煥皇
恩新銓闈行脫囊中穎佩玉鳴珂遊帝京書雲過後
兩旬及還是霄蹕初度辰和氣恰隨陽氣轉台星還
並壽星明北山底處香風動湖山裏外祥烟輕幃羅

模繡玳筵列歌珠舞翠金壺傾未祝修身如成子未
祝龍眉借籤鏗但願登金仍步玉鹽梅商鼎早調羹
歸來武夷溪九曲幔亭曾孫旋尋盟眉壽堂中恣盤
礴摩挲銅狄細推評武夷之山比公壽與公千歲同
嶧嶧九曲之水釀公酒與公千歲供壽觥我亦更辦
詩千首一年一首仲賀誠截江網

吳叔元

叔元新喻人

江上

獨坐江之埃高秋葉落時風狂疑水立雲動覺天移

浦遠孤鷗沒溪平小艇遲徘徊待月上把酒寄遐思

江西

詩徵

吳曠

案撫州府志
作吳顯道

月石

嫦娥促輕車翩翩下瑤城窮幽得靈山意欲家平生
墮石擬素魄神功夜無聲佳桂願托根老免祈偕行
上帝聞之怒地祇奪我睛交詔責其歸命駕涕以橫
事往千古後殷勤有餘情夜半纖雲收回光對兩盈

宋詩

拾遺

朱說

字宜之號小山浚儀人

畫不如亭

連州

環遶皆山遠勝游地無炎障氣清虛十亭留詠誇前輩八景搜奇出故墟拍岸驚濤通海道插天峭壁壯侯居煙雲變態無窮極百幅生納畫不如

丁巳春勸農

勸農小隊出東禪春事平分花柳天亂石藏雲蒼玉洞小溪流水紫纏田農忙處處扶犁雨社近家家煮酒煙埜興未歇歸興促公餘猶擬一橫鞭

吳肖巖

宋詞八十六
永嘉人

茅屋

茅屋三間小春風長艸芽故園經積雨老樹不多花
黃髮長垂釣古書猶滿車近來人事別亦懶問桑麻

宋詩
拾遺

徐子元

賀謝文二子文武登科

福時何曾好譽兒鳳毛爭奈一時奇青錢學士如龍
友白馬將軍似虎癡齊展一雙文武手共扶千載聖
明時從來謝砌无閑草步步芳蘭亞紫芝

載江綱

徐壽朋

長樂人進士

白雲亭

飛泉山腳水盈盈溪會亭前就榜名駐目合流尋異派爽心臨晚勝登瀛遊人暗認仙原景清耳微傳玉佩聲依約白蓮當日事社中賢令有淵明

勝會堂

巧運風斤若化成過門車馬每留行香含氣象歸平隴闡溪山到畫檻春借杏桃紅照耀曉披烟靄碧低橫使塵映日安牙隊依約當年細柳營

長樂縣志

徐徑畈

金柅園

仲冬多美曝散步有餘真老樹槎牙晚初花的爍春
清歌動落日遠岫得幽人空返無佳句知爲暮靄暝

筍石

在郡治東園

玉茗亭西石筍春偶來相對作閒人千年未爛應還
待化鶴叮噹日未曛撫州府志

江朝卿

字元海號山月古簪人

喜逢靈江贊禪師

兩世金陵友分攜二紀餘獨憐身老去及見頂圓初
間晝烹茶數炎天入定疎久依蓮社泊晤語勝鄰居
枯州尊宿後學業貫儒經自說先師筆曾抄謬客詩
石蒲抽水上樹蔓與雲垂何處風埃滾無營不用知

詩苑
眾芳

翁孟寅

字賓賜建安人善吟咏人多稱之

夜泊

夜泊寒沙際江風起舊愁離情惟怕晚歸夢又逢秋

建甯
府志

鄧有功

有功字子大號月巢南豐人宋末進士累試禮部不中以恩補廸功郎爲金谿尉心事粹夷詩才清婉年七十卒後學稱月巢先生有巢遺藁

玉山道上

玉谿谿上雨聲乾日暮東風客衲寒數樹梅花吹作雪行人猶自倚闌干

客信豐寄劉起潛

怪得寒燈昨夜花五更歸夢倏還家多情兒女傷離別爭挽征衫問鬢華

嶺南咫尺莫如虔和煖嚴寒別有天一夜詩魂清到
骨曉霜封却釣魚艤

賀劉廸功掞赴召史館校勘

秋堂風露聲唧唧青燈一點昏兩眵蟬魚蠹紙老白
日未識心字包黃羲鱗膠盡飲霜兔泣儻花鬪葉紛
奇姿少年輕裘舌秦衍眸睨六印京塵縑平生眼底
厭糠粃自對春風樂沂水搜奇抉怪問子雲載酒歸
來成獨醉金刀喜有南鄰翁會吹藜餕丹霞峯白雲
滿榻呼不起斜日倚杖酣秋空紫皇一夕下綸旨細
被丹鉛勸文字會將一語贊陽秋高入九天卑九地

聖明勸業琬珍儲不獨焜耀水銜書兩朝蒐輯摩日
月往往呼喝羞庭衢廬陵健筆人莫贖南豐辦香竟
誰續西江浩浩流古今莫遣白頭愧青竹

送曾子華遊贛

丈夫達有遇出令走千里焚香玩太空宴坐塵不起
云胡子曾子不自樂沂水風烟挾兩袖足跟尚芒履
持被直承明三省良未已觀君氣如虹接漸亦可美
昔年子夏游落筆妙信史三蘇出岷峨文章仰歐子
此行崆峒嶺萬事甯足侈鬱孤有奇觀佳句公摩洗
予生事斗室出若畏瀾蠡長安歌狹邪神鼎鑄螭慙

窮通匪同塗動靜實一理時止復時行願與參此旨

以上江

西詩徵

黃仲

宋季欽州人

瀑布灣

在城西十里遇旱以石投之雨立至

飛來瀑布破青山遂作寒流水一灣民庶只疑投石
効豈知龍卧在其間

欽州志

潘獻可

宋末甯國人

春晚三客同出郊歸途

尋友逢三益追歡且一時買魚呼野艇沽酒認春旗
暫覺行歌樂何妨醉舞微牧兒休駭愕橫笛且須吹

四月十八日之桐川

白鳥蒼烟外黃鸝綠樹間雨情初有路雲薄不藏山
村酒成孤酌征鞍厭獨攀日長人自倦更覺馬蹄慳

固城懷歸

稅駕蠶將老旋車燕欲歸人情秋思薄酒力晚風微
青鬢愁邊改丹心老去違吾廬元不遠望斷白雲飛

以上宛陵

羣英集

李思衍

字兩山宋季永嘉人

彭城

一水淵渟綠不波四山玉立碧嵯峨城頭芻石黃樓
賦臺上風雲赤帝歌竹帛有香豪傑在山河無恙廢
興多男兒要作千年調戲馬臺高石可磨

漂母墓

登壇拋却釣魚竿廟食難酬一飯恩春老五陵佳氣
歇近來誰復念王孫

石牛行

寒牛殼觫秋江烟五丁擔落石一拳驚濤拍岸撼不

動夕陽老背供鴉眠天荒地老養白石頑懶不顧蒼
苦田膚天臥地帶佛性尙肯遠護風濤船泥深蹄轉
重鼻缺口口口口人難穿既不能西推紫氣度函谷
五千道德言神仙又不能冀金開秦塞隔絕烏道四
萬八千年渴奔一斗酒微兀廬山前潢池刀劍賣已
盡貞觀斗米方成錢雨翠急趁勾芒起不然碎汝春

風鞭以上宋詩拾遺

董杞

字國材宋季番陽人

水泛及門用老杜江濺韻

雨聲喧晝夜不斷沟簷流擁落維孤艇溪泐矢舊洲
訪君無去路狎我有來鷗濤浪相欺得衝門鼓白頭

用洪憲韻自述

壯志摩雲一効閒欲屠石堡斬樓蘭功名努力車登
坂歲月驚心水下灘小小茅茨漁子舍星星鬢髮腐
儒冠高山流水無窮思整頓瑤琴試一彈江湖後集

丁正持

宋末人

學生壽先生

明善堂前香蠶雲諸生再拜祝莊椿芹香藻綠涵和

氣楓老梅踈健小春有道可爲明主佐無疆休歎廣
文貧烹羔壓酒稱千壽會看仙桃着子新

今年生日勝常年一佛中間万佛緣善念纏興方寸
地恩膏便下九重天花香作供圓方丈粟粒成功福
大于長壽如來更多寶飽參住世小乘禪微江網

葉宋英

宋季臨川人

贈行句

柳香何處春風店酒醒月明聞杜鵑江西詩徵

楊珂

自號竹溪宋季長泰人

夜泛西湖

明月欺人醉不知夜深偷入讀書幃好將松戶牢關
鎖留此清光莫放歸

全蜀詩話楊珂胸懷洒落猶
徉林壑有夜泛西湖詩云云

何景南

宋末人

遊資縣東巖

人事何時休紛來如野馬相攜解纏處去約巖之下
清涼一城雨況值櫂檣罷白雲醉堪眠青草春可藉

泉甘漱蘇醒樹好留閒暇頻遊我嘗慣忽至公成乍
徘徊共幽興靜坐稀衣掛中間五百士闈世知幾夏
莓苔自成古香火仍同社巖縫更依然莫問豐干話

資州直隸州志

何景福

字介夫號鍊牛子淳安人學博行修宋亡元累
辟不赴所著有鍊牛翁詩集

太白墓

姑孰村南日正西豐碑八尺大書題青山自此詩名
重采石於今酒價低捧硯太真猶入夢脫靴力士竟

何擠荒祠晝掩無人到苦竹叢深春鳥啼

太平府志

宋詩紀事補遺卷八十六

門生湖州府學生員李延适校

宋詩紀事補遺卷之八十七

歸安陸心源伯剛父輯

馮帖

全州南城

全州城南何壯觀石崖爲趾江爲濠凌落渡江騎馬去空濛瘴霧縵緹袍遇迤過灘水小艇浮桐槽半渡急雨雪舟師失飛篙雨餘山路水如注石齒犖確森戈刀馬啼轉側不得過有力如虎空皮毛地窮路盡處橫絕青山高褰衣扶杖躡天險十步九顧愁猿猱長沙頓伏幾百折背膂菌蠢盤鯨鰲馬瘦人力倦野

閑風怒號薄暮投宿驅濕厲折薪爨鼎燒村醪一杯
酸澁不可嚥平原督郵羞兒曹我行湖湘歷八郡政
欲閱實甯辭勞才疎病懶事多廢南山何日結蓬蒿
清風明月共三友山猿野鶴來二豪一江春水澄葡萄

蘆花萬頃眠漁舠

宋詩拾遺

馮叔豹

過崇龕寨題希夷先生宅

仙家鱗檜古小市鹿梨甘

輿地紀勝

熊邦彥

石碧

萬壑雲蘊凝不消橫空突起老龍腰虛皇未放擎雲
去留與金僊作石橋

撫州府志

翁定遠

失題

遲明騎馬謁朱門安得梅花入夢魂慙愧高人眠正熟一生知不受人恩

童童

題王子晉

屣棄萬乘追浮丘仙成駕鶴綠山頭碧桃千樹鑽金
嗣玉笙嘹唳天風秋回眸下咲蜉蝣輩蝸角爭戰汚

濁世何當高氣凌雲霄願隨環珮聯雲騎

說嵩

雍鳴

簡州

學山雲頂遍尋遊煙棹夷猶出簡州夜雨借公三日

水秋風送我一蘭舟

輿地紀勝

雍侯

官知廣安軍

廣安

清州如斗大盛事數從前崖白神留傳山高子得仙

馮緹子也何詩春夢草謂靜照先生也張諫力回天人物宜旌表

蟲魚不足箋

輿地紀勝

蟲魚不足箋

輿地紀勝

龔復

題韓幹馬

奚官小臣職奚爲馬饑則秣渴飲之龍媒八尺千里姿雪花被身雲陸離洼之異種來天池乘輿重惜間驅馳河清海晏無盤嬉壯士老死不得騎御柳春深白日遲寒發淨汲冰花漪目光注電吻沫脂振迅欲掣青絡絲奚官小臣謹厥司猶恐若後呵譴施不必前身作馬通馬語人心物性在善推嗚呼奚官小臣身賤卑馬不如人愚亦知奈何爲人牧重爵厚祿不

邱民渴餓刻刮膏血剔肉肌坐令溝壑轉老羸今之
龔黃卓魯誰雲林藪社時所師爲出馬圖陳詩爲書
畫

致

龔伯璵

題九仙宮

桃花流水隔人間千古高風不可攀綠樹陰中孤鶴
宿碧潭深處九龍蟠雨餘芝朮香丹室夜半風雲繞
石壇富貴由來天有命何勞清夢到邯鄲仙遊縣志

江朝儀

遊陽華巖

十里雲深處陽華小洞天千巖虛夜月萬壑澗寒泉
石磬生何世仙田種幾年神靈自幽顯時序任流邇

湖南通志山川

龐松

致爽軒

平生珍貨不肯市歲歲梅花伴幽獨買憐不用一錢
費風月逢原俱取足輿地紀勝

徐師

通判歙州軍州事

登樓望黃山

黃山樓上望黃山水石雲霞未得攀三十六峰應笑我紛紛塵事幾時閒

黃山志

徐慥

激波亭

激波亭下晚維舟
縹渺烟屏翠欲流
忽地驚雷過溪面
連天吹雪下山頭
汀洲瑟縮藏鷗鷺
涯涘溟漫失馬牛
自笑勞生日蒼鬢
不知來往竟何求

古縣幽亭勝景多
青春啼鳥每相過
林間石磬風敲竹
水面金蛇日漾波
得友且須頻載酒
愛山何必更捫蘿
我來欲作無何醉
爲子敲盤試一歌

龍游縣志

徐秋雲

題明皇

太平風月屬三郎
羯鼓聲高思轉長
天子錦纏娛虢國
貴妃音律教甯王
人歸巫峽山容在
花落溫泉水更香
誰信蓬萊青鳥使
回來無語怨漁陽

臨潼縣志

徐駿

朱明洞南冲虛觀

洪濤溜不住一股失蓬萊
地勢滄瀛盡水流河漢來
窺高齊日觀藏小遜天台土
苴乘風意君看燈下杯

羅浮志

余廸

登翠微亭

數年樂此宦池城，每愛湖光分外清。
遠浦落霞秋水闊，亂山斜日碧雲橫。
牧吹牛背歸林晚，漁唱舟中對月明。
同覽翠微重弔古謾，將詩酒逐交情。

池陽勝跡翠微峯，今古才人咏不窮。
僧寺宛如仙仗裏，人家儼若畫圖中。
迎風楊柳依依綠，帶雨桃花淡淡紅。
沉醉不知歸去晚，匆匆回首月升東。
齊山巖洞志

虞億

中秋同諸子九曲泛月

名山閣萬古明月來幾時顧遊屬中秋萬里雲霧披
心閒境亦靜月滿山不移况茲九曲溪正漾清漣漪
呼舟星村來十客琴觴隨此客俱不凡灑落同襟期
居然命釣艇造席不復疑陶兀入醉鄉伴我老不羈
臨流振衣袂颯颯剛風吹銀盤轉巖阿兩川光渺瀰
嶮嶒大王峯嵌竇渺可窺雲輒與鳳釵來往誰可知
但聞山桂香籟紛落殘卮酒酣各言志抗論不少卑
諸君愛軒冕許身臯與夔矯首青雲衢塵鞅甘羈縻
那知涉幻境百歲黍一炊風波世上險日月壺中遲
何如歸此山相樂從希夷

武夷山志

晚對亭

落日下青嶂歸雲獨未安倚杖無言久夕陰生翠寒

武夷山志

朱大卿

紀遊

臨秋氣微肅天水湛相照扁舟愜幽尋層峯入奇眺
融結幾何年指顧集羣妙神仙得非幻遺蛻在巖竅
行往求其蹤恐爲識者笑獨鶴去不還山猿偶然叫
應有采芝人凌空發長嘯

武夷山志

朱孟常

題九仙宮

三神山裏秋將半九鯉湖邊客再來人世萬年如幻
影林泉千古絕氛埃碧霄獨鶴摩新月深洞羣龍護
震雷莫說傳巖霖雨事夢魂無復到金臺

仙遊縣志

朱翁

石通洞

披棘捫蘿入洞中拂塵剝蘚識涪翁我緣直道來施
石君爲清詩到石通定後寂寥無異議危初妻菲竟
何功投豺界北言猶在厄宋飢陳道不窮

施南府志

朱全

宋詞八十七
七
四明人

遊金庭觀

憶昔羲之古事修龍蟠雲捲卒難摻鷺池墨沼今雖在誰復書堂筆下求荆錄

朱昱

競秀閣二首

輞川遙展右丞圖盤谷中藏李原居龍睡潭深飛客棹鳳鳴枝老結吾廬但令蠟屐去前齒安用鵝夷託後車西望子陵三十里烟雲來往問何如

客槎飛過小金山畫棟參差杳靄間隱踏鼈頭歸月

府側騎龍背出塵寰秋生弱水烟霞冷春至蓬壺日月間遙望嚴陵釣魚處十分全似落星灣

姚廬縣志

朱春

御書閣

出脫樊籠到此間便知身世異塵寰鐵橋無路鶴稀
到錫杖有泉僧倍閑獸吻吸雲紅戴日簷牙掀海碧
涵山宸光咫尺威嚴在疑是天開虎豹關

羅浮志

朱宗強

勸農和孟大監韻

祥開龍角應三農小隊旌旗獵獵風秧馬趣行田陌

外檣烏飛送櫓聲中穰翁預喜甌窯滿餧婦毋憂杼
軸空觀稼西成今在望賢侯此樂與民同

載江網

朱行文

號約山

題梅山雲悅樓

和衣高臥白雲堆門倩雲封不妄開留向山中自娛
悅莫教一片出山來

梅仙觀記

朱顯之

桃源

空尋晉客維舟岸不見秦朝避世人

輿地紀勝

吳珠

煙波亭

漢水連天濶江雲護曉寒青青山數點最好倚欄看

續輯漢陽縣志

吳夢陽

高安人

題羊山句

羊山一名石灰嶺產
燃石以水沃之卽燃

氣蒸不待薪水活可烹鼎

江西詩徵

吳杭

磨崖頌詩

周雅不久復楚騷方獨鳴溪蛙弄氣態汚我瀟湘清
二公好奇古大筆時縱橫磨崖勒唐頌字字飛瓊英
雲烟借體勢水石生光精湧溪在僻地自是聞正聲
名傳播夷夏孰貴燕然銘絃歌入商魯永與神仙聽
江流不可竭此文如日星祁陽縣志

吳城

過至孝墓

過爲世希氏史牒鮮著名孰謂吾之邦有以至孝稱
想其事雙親誠恪通神明身後一抔土世猶不敢輕
樂公誠樂善記名著遺氓偶讀靈禽碑得之嘉不勝

吾邦有盛德豈宜久沉冥恨不訪遺塚下拜涕泣零
又恨失民字無以附汗青自傷無贏貲傍建旌孝亭
當使孝者見事親堅其誠且令頑悖兒內愧面頰顏
因茲或改行爲國省繁刑徒將拙言句頌詠播芳馨
蒿茨莫浪剪牛羊勿妄登過者宜下馬呵護煩山靈

撫州

吳孔錡

玉山聽泉

鳴泉出澗潔而瑩盡日鏘鏘解佩聲絕俗不羣頻洗

耳試聽餘響自心清

福州府志

吳復齋

送何推官

風雨一樽酒此懷人得知三春花落後千里客歸時
浩浩人間事悠悠身外思君如能擺脫林下早相期

綱
江

吳同山

慶游寶制

梅花玉立雪尤禁歲歲吹香伴細斟日看簑車歸戲
絲未誇荷橐已橫金水雲生閱市朝事砥柱不移邱
壑心德望益尊身暫退他年乃聽衛公箴

時事朴碁着固難奕秋袖手却旁觀漢庭持論卑卑
朔洛社論年參潞韓富貴無心來則受行藏有道處
之安金籠放鵠徒誇詡靜處乾坤分外寬

截江網

胡器之

鐸溪閣

龍津劍窟古南州閣勢橫空占上游山色鎮留春色
在水光長帶寶光浮

輿地紀勝

南劍州

化成丹碧出鼈頭獨占閩川最上游兩劍合來靈一
境雙流分處帶三州

又

胡致能

句潤州

吳王殿裏笙歌罷
燭帝城邊草木荒

輿地勝卷七

胡子澄

遊乳洞庵

結屋青山下
幽深不計年
泉聲秋霽雨
鐘響暮晴天
入洞尋僧伴
穿雲見鹿眠
徘徊不忍去
夜宿佛堂前

乳洞

古洞幽深處
縈迴路幾重
門開空寂寂
泉溜暗淙淙
斷壁雲連屋
奔流水激春橋
橫千丈石巖挂
萬年松

鶴駕應重到
龜田必再逢
碧沙還錯落
密篠自迷濛

乳結銀爲樹
漿凝雪作峯
仙人何處去
應想子喬蹤

以上嚴州
府志藝文

胡經仲

殊聖寺

不是等閑到
須知會合稀
水行清骨瘦
雲臥冷裳衣
桐挂秋陰薄
松寒露氣肥
其吟有佳致
何苦只言歸

仙居
縣志

胡侃

洗心泉

巖根石溜自涓涓一見塵勞頓灑然惟有開山老尊
宿無心可洗亦無泉

徽州府志

胡宏子

字初堂

題梅山雲杪樓

世人之所悅多在紛華間毛仙得趣處白雲滿青山
飛樓俯空曠登眺長怡顏述與雲俱高心與雲俱閑
八極梅真人乘雲相往還我亦懶出岫時歸坐雲關
清吟抱幽獨何當共凭欄

梅仙觀記

胡發

題梅壇

忘肝一點炳如月世事難將道眼看駕取雲輶昇斗

府惟遺巖壑拱仙壇

梅仙觀記

胡經

蠟磯

鬢金山勝依稀坐玉臺亭虛雲作衛石定浪生雷
漢月疑環珮吳宮見草萊臨風起浩歎落日不成盃

太平府志

千觀文

字夢得射洪人性潔富於文學

記夢詩

東堂令史報來時仙桂云攀第九枝乍聽言音猶似
夢卻思入道卽無疑寒門彷彿春將到幽徑朦朧月
漸移殘漏聲中鞭馬去紩袍重戴已相隨

古今類事于觀文下第後獻主司鳳玉賦
爲時所稱明年復省試夢人以軸文與之
曰此春榜也可收之旣覺自謂曰委收榜
吾當爲榜尾平言訖院吏報先輩第九人
是年放進士九果符
所夢乃作詩云云

盧茂

送葉大尹廷衡

雞犬無譁四境同桑麻百里長春風熙熙安養知誰

力父老相逢說魯恭

平陽縣志

盧明甫

過檀溪

鳥泊隨陽雁魚藏縮項鯛停杯問山簡何似習池邊

興地紀勝

俞薦

龍巖寺

虬鬚公子真奇物曾把英靈寄此山鼓鼴掀髯天上

去空留遺跡在人間

撫州府志

俞薦

疎山

路入千巖紫翠深溪山好向夢中尋松風洗淨笙歌
耳泉石挽回花柳心曲水流觴追禊事茂林修竹是
山陰蘭亭舊墨空磨滅俛仰人間成古今

宋詩拾遺

蘇頓

望太湖

杳杳波濤闊古今四邊無際莫知深潤通曉月爲清
露氣入霜天作溟陰笠澤鱸肥人鱠玉洞庭柑熟客
分金風烟觸目相招隱聊爲停橈一楚吟

重刊宜興縣舊志

蒲公詠

塞樂園

史君睡手了雄邊半夜移春入北園

南川驛

鶯花非漢舊棟宇尙唐餘以上與地紀勝

倪光蘭

一作光簡

嵊縣人

剡溪

東山山下海潮通一片江流出鏡中度嶺拾薪歌稚子和烟牧犢走邨翁千年橋鑽高人跡百尺巖垂烈女風此去天台知幾許桃花深處失西東嵊縣志

倪公武

大安古道

着脚爭些子
公私只兩歧
正途元自穩
捷逕不勝嚴
見透行須透
心移境亦移
前人須指點
進步莫遲疑

湯溪縣志

黎良知

官簽書節度判官一

繩金寺

懸崖結屋層層閣
眺遠開窗面面峯
雲起半天齊碧瓦
風生萬壑響長松

輿地紀勝

崔覲

興元

地形連楚澗山勢入秦豪平外斜通駛深中認遠褒
圖經何壯觀故事有蕭曹

又

寥寥官舍靜於僧雖有園亭亦倦登桃李花陰流似
水圖書滋味冷如冰以上興
地紀勝

崔次周

題梅山悅雲樓

仙人好樓居天上多瓊樓祥氣結紫炁磅礴常周流

道人仙之裔居然梅山頭山頭聳百尺日與雲從游
靜坐觀內景繚繞雲氣浮軒豁挹西爽天晴雲影收
倚欄暢吟情筆硯雲煙稠領客譚又玄滿吸雲腴甌
不用分半間盤結任相繆怡然自可悅澹然亦何求
悅則動靜隨呼吸聽去留我欲棄之叩太虛相與上
下追仙游鞭鸞笞鳳汗漫去下視八表揮斥凌九州

梅仙
觀記

崔端

游虎邱

入寺山光峭倚天劖池寒色鎖危巔蒼苔自老生公

石新茗誰烹陸羽泉樓閣下窺溟海浪松篁遙接洞
庭烟二難選勝真奇絕留得芳名萬古傳

虎邱志

真桂芳

避暑宮

銀漏迢迢夜未晨管絃聲裡綺羅春飲闌方擁名娃
醉豈料稽山正卧薪

常州府志

陳璣

字介行永春人

讀易

從此不除窓外草更觀天地發生心

又

須信生生是真易疎籬依舊竹生孫

全閩詩話陳璣學問該貫尤長於詩信筆立成出人意表嘗有讀易詩云云

陳講

寄郡人

試上江樓望懷澤暮雲千朵碧連天

輿地紀勝

陳謹

官提刑

遊玉巖

預作重陽半日遊行厨望客屬鰲頭樽前綠橘當時

莫嶺下清泉徹夜流新竹未班秋正好晚禾纔熟歲
仍收使君須盡登臨興行捧天書未許留

同向天巖最上游詩翁來見九螭頭僧房爲映川原
好野水空隨歲月流玉節朝天行日促金風驅雨暮
雲收已摹大字鐫山骨要與匡廬萬古留以上宋詩拾遺

陳兵書

題化成巖

山秀雲成葉江湍浪作花

輿地紀勝卷二十八

陳巨川

浮丘廟

浮丘羽化幾經年千仞青溪有洞天丹竈石牀依舊
在雲深何處問神僊

黃山志

陳舉愷

過姑蔑道中

姑蔑古城暮山川近不同草黃秋過雨樹暗晚生風
流水巾分郭飛橋下應虹未須追往事回首送冥鴻

龍遊縣志

陳 繢

齊山

齊山壓清溪蒼崖浸老碧山半古招提高堂敞虛寂

其二

攜壺上翠微雅致何今昔誰知一笑間俯仰成陳迹

與地紀勝

陳山泉

謁麻衣祠

雨晴泥路滑杖履豈徒勞雙檜塔前老一峰天外高
錫泉通殿砌巖瀑起波濤欲問麻衣意風林作怒號

黃山志

陳廣

平水神祠歌

黃河如絲導崑崙萬里南下突禹門支流潛行天地
底派作八道如霆奔吾聞川眞嶽靈有真宰况乃利
澤開洪源龍神窟宅開平野千古廟貌何雄尊深林
含蓄雷雨潤冷殿似帶波濤痕我來南州走塵坌執
熱未濯憂思煩試斟百冽洗肝肺一勺注腹清且燉
悠然晞風坐東廡倏見繪畫如飛騖仙宮華裾乘朱
輶旗纛掩藹蛟伏轅雷公電母踏烟霧天吳海若驅
圉圉何時借取霹靂手倒挽銀漢清乾坤廟前老翁
顧我語孺子未易排天闔何爲高論乃如此一笑春
風滿面溫是時三月遊人繁男女雜遝鼙鼓喧騫葵

沈王笑靈貺割牲醒酒傳巫言巫言恍惚廟扉闔拜

手上馬山烟昏

臨汾縣志

陳成已

遺愛祠

水自湖心一泓分高低晚望稻垂雲侵魚爭畔人如

鬼莫向祠前聽祭文

福州府志

陳陽純

華嚴寺

嚴花冷落春流淺春已沿流化片片一逕梅苔老白

雲斜陽燕子飛樓殿

福甯府志

陝陽至

華嚴寺

千層金璧翠雲翻樹滿招提竹滿山十里清溪無覓路水流花片到人間

福甯府志

陳裔長

過周墩堡

在甯德

地坦容車馬城空絕戍樓幾家烟火在風露冷松楸

福甯府志

陳曾

鑑池

波澄涵遠碧雲淨見天光欲問源頭水令人憶紫陽

福州府志

陳效

行部仙遊

碧山如畫豁吟眸信是神仙此地遊九鯉有人爭乞
夢一麾無事獨登樓田中水自秧初雨龍上雲黃麥已秋
民困祇今蘇息否我來端不爲花謀仙遊志

宋詩紀事補遺卷八十七

門下士湖州府學生員李延适校